



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliarvm Omnivm Generalivm Et Provincialivm Collectio Regia**

Ab anno DCXLIX. ad annum DCLXXVI.

**Parisiis, 1644**

I. De celebritate festiuitatis annuntiationis dominicae.

**urn:nbn:de:hbz:466:1-15300**

CONCILIVM TOLETANVM X. ANNO CHRISTI 656.

VIGINTI EPISCOPORVM ANNO OCTAVO RECCESVINTHI REGIS, 2 ara DCXCIV. celebratum, sub Vitaliano papa. Est prouinciale.

TITVLI CAPITVLORVM.

- I. De celebritate festiuitatis dominice matris. II. De non violandis religiosorum iuramentis, in salutem regiam datis. III. De non permittendo laicis imperare religiosis. IV. De professione & veste religiosarum viduarum. V. De remotis excusationibus viduarum transgressionem religionis sequentium. VI. De his qui in parua aetate coram parentibus religionis habitum tenuerint. VII. Ut nullus Christianum Iudeis vendat.

PRÆFATIO.

IN NOMINE DOMINI HABITA SYNODVS X. in Toletana vrbe, die Kalendarum Decembrium, anno octauo gloriosissimi domini & religiosissimi Reccesuinthi principis, æra DCXCIV.

GRATVLATIONEM nobis spiritualem diuina contulit gratia, quando tribuit vti nobis & salutaris disciplina frequentia, & conuenire ad pacificorum votorum studia præoptata. Congregatis ergo nobis, & in concordia animi, & in Conuentu loci, referentes gratias inuifibili Deo, & glorioso rerum domino Reccesuintho regi, cuius sacratissimo voto, retenta paternitatis sanctæ traditione, ad sacrum quiuimus adunari Conuentum, has subter annexas regulas concordie definitione prolatas æterna statuimus manere lege præfixas.

CAPITVLA.

I.

Cum nihil fidei sinceritas per diuersitatem aduersum incurrat, & vnitatem catholicæ regulæ varietas nulla discerpat, est tamen quod nisi temporum vnitatem seruetur, & discidium indiscissæ vnitati

ANNO  
 CHRISTI  
 656.

parturiat, & sacramentorum vnitate constare non  
 valeat. Hinc est, quod<sup>b</sup> paschale festum, nisi vno  
 die celebremus & tempore, in Iudaicum decida-  
 mus errorem. Hinc<sup>c</sup> aduentum sancti Spiritus post  
 resurrectionem Dei nisi expectemus tempore defi-  
 nito dierum, simul & numero, non possumus im-  
 pleri eiusdem Spiritus dono. Quoniam si caret ple-  
 nitudinis numero, carere potest & mysterii sacra-  
 mento. Hinc<sup>d</sup> natiuitatis dominicæ sacrum, quo  
 euidenter de vtero virginali Verbum prodiit caro  
 factum, absque dubio seruat temporis cursum, & re-  
 præsentat \* specialis diei momentum. Si ergo nati-  
 uitatis & mortis incarnati huius Verbi dies absque  
 immutatione ita certus habetur, vt absque diuersi-  
 tate in orbe toto terrarum ab omni concorditer  
 ecclesia celebretur, cur non festiuitas gloriosæ ma-  
 tris eius eadem obseruantia, vno simul vbique die,  
 similique habeatur honore? Inuenitur etenim in  
 multis Hispaniæ partibus huius sanctæ Virginis fe-  
 stum non vno die per omnes annorum circulos a-  
 gi. \* Quoniam transducti homines diuersitate tem-  
 porum, dum varietatem sequuntur, vnitatem cele-  
 britatis non habere probantur. Qua de re, quo-  
 niam die qua inuenitur angelus Virgini Verbi con-  
 ceptum & nuntiasse verbis, & indidisse miraculis,  
 eadem festiuitas non potest celebrari condigne,  
 cum interdum quadragesimæ dies, vel paschale fe-  
 stum videtur incumbere, in quibus nihil de sancto-  
 rum solennitatibus, <sup>e</sup> sicut ex antiquitate regulari  
 cautum est, conuenit celebrari; cum etiam & ip-  
 sam incarnationem Verbi non conueniat tunc cele-

\* speciale  
 diei mo-  
 nimentū.

\* Quo  
 enim tras-  
 ducet ho-  
 mines di-  
 uersitas  
 temporū,  
 dum va-  
 rietatem  
 celebra-  
 tis habe-  
 re probā-  
 tur?

britatibus prædicari, quando constat idipsum Verbum post mortem carnis gloria resurrectionis at-  
tollī, ideo speciali constitutione sancitur, vt ante octauum diem, quo natus est Dominus, genitricis quoque eius dies habeatur celeberrimus & præclarus. Ex pari enim honore constat, vt sicut natiuitatem Filii sequentium dierum insequitur dignitas, ita festiuitatem matris tot dierum sequatur sacra solennitas. Nam \* quod festum est matris nisi incarnatio \* quid Verbi? cuius vtique ita debet esse solenne, sicut est & eiusdem \* natiuitas Verbi. Quod tamen nec sine \* natiuitatis exemplo decedentis moris, qui per diuersas mundi partes dignoscitur obseruari, videtur institui. In multis namque ecclesiis a nobis & spatio remotis, & terris, hic mos agnoscitur retineri. Proinde, vt de cetero quidquid est dubium sit remotum, solennitas dominicæ matris die decimo quinto Kalendarum Ianuariarum omnimodo celebretur, & natiuitas Filii eius Saluatoris nostri die octauo Kalendarum earumdem, sicut mos est, solennis in omnibus habeatur.

## I I.

Conc. Tolet. IV. c. 73.

Frequentium molestiarum nocens impulsus contemni quidem magnitudine decentis poterat grauitatis: sed quia leuitas labens facile ad præcipitia vana corda reclinat, bene honesta sollicitudo cohibere properat, quod frequentata vsitatio vitare non curat. Ideo cum & quorundam paternorum sanctionibus decretorum, & institutionibus sit legalibus cautum, ne contra salutem principum, gentisque, aut patriæ, quisquam meditari conetur